



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Illvstrissimo Ac Reverendissimo Domino, D. Antonio Perrenoto
Granuellano, S. R. E. Cardinali, Archiepiscopo Mechliniensi, &c.

urn:nbn:de:hbz:466:1-42790

ILLVSTRISSIMO
 AC REVERENDISSIMO
 DOMINO, D. ANTONIO
*Perrenoto Granuellano, S. R. E. Cardi-
 nali, Archiepiscopo Mechli-
 mensi, &c.*



ARTYROLOGIVM,
 illustrissime ac amplissime
 CARDINALIS, anti-
 quitus numerari solet, inter
 paucos libros, qui omnibus
 sacerdotibus necessarij iudicabantur. Quod
 disertis verbis scribit Burchardus, episcopus
 Vuormatiensis, in decimo nono libro De-
 cretorum.

Quantæ autem sint huius libri vtilitates,
 non est necesse hîc commemorare, cum id
 per aliquot Capita differuerim, in eo tracta-
 tu, quem de Martyrologijs ipsius Vsuardi
 Martyrologio subiunxi.

Neque dubium mihi est, quin ad aliquas
 earum vtilitatum Maiores nostri respexe-
 rint, dū eos sacerdotis nomine indignos iu-
 dicabant, quibus hic codex deerat. Certe
 Martyrologij lectionem in fine Primæ anti-
 quissimæ obseruationis esse indubitatum est.
 In eaq. obseruatione à Choro permanendum

A 2 esse,

T

que
ce-
um
ni,
Ca-
re-

V-

esse, decretum est iam pridem in eo Romanæ Ecclesiæ sacrosancto Breuiario, quod auctoritate sanctissimi Concilij Tridentini recepimus. Sed & magnus ille Gregorius, epistola vigesima nona libri septimi, indicat suo tempore Martyrologij vsum fuisse in quotidiano Missarum sacrificio, dum eorum quotidie specialis fieret commemoratio, quorum Natales, siue Passiones, vt ipse loquitur, in eos dies incidebant. Nos, ait, pæne omnium Martyrum distinctis per dies singulos Passionibus, collecta in vno codice nomina habemus, atque quotidianis diebus in eorum veneratione Missarum solennia agimus.

Greg. in
registro.

Itaque in libro, has, aliasque ob causas, vtilissimo, libens non parum operæ, laboris, & molestiarum, insumpsi. De quibus quæ à me dicenda sunt, ea dicturus sum in subiungenda ad Lectorem epistola. Neque enim conuenit vt cum Vestra Excellentia verbosior sim.

Porro cum hac meâ operâ, peculiarius quàm quisquam alius, Belgij nostri Sanctos illustrauerim, videbatur conueniens si Præfatione dedicatoria, & mihi, & labori meo, è Belgio aliquem patronum deligerem. Primo autem loco, occurrit Vestra Amplissima Reuerentia, etsi absens, cui diuina pro-

viden-

uidentia donatum est reliquos ministerio,
auctoritate, & dignitate anteire.

Cum autem in clarissima & alma Vniuer-
sitate Louaniensi, quæ Vestræ diœcesis est,
locum aliquem Dei dignatione fortitus sim
inter opitulatores Ecclesiæ Vestræ, tum per
presbyterium, tum etiam per sacræ Theolo-
giæ magisterium, ratione vtriusq; functionis
confugio ad Vestram Reuerentiam, velut ad
Episcopum animæ meæ: Eidemque & me,
& studiorum meorum fructus, subijcio; ac
dedico; vt sub protectoris mei auspicijs, & li-
ber noster, Eiusdem nomini inscriptus, le-
gentibus sit gratior.

Vtinam autem Illustrissime Cardinalis,
ouibus tuæ diœcesis præsens adesses, in hoc
afflictissimo statu, & catholicorum Mechli-
niensium, & reliquorum Belgarum. Vbique
enim Belgium plenum est miserijs, & ab ho-
stibus fidei, & aliunde.

Quare non solum præsentem librum No-
mini Vestræ Reuerentiæ nuncupo, sed Ei-
dem commendo etiam afflictissimam Belgij
Rempubicam; vt ea auctoritate, qua summa
vales apud sanctissimum Pontificem, & Re-
gis nostri Catholicam Maiestatem, Belgij
nostri miserijs subleuandis succurrere di-
gneris: vt si non redeat ad eam felicitatem,

A 3 quam

EPIST. DEDICATORIA.

quam ante discessum V. Celsitudinis habuit,
(id enim sperare non audeo) saltem eousque
redeat, vt tot hominum myriades, quæ Deo
& Regiæ Maiestati fideles perstant, non per
miserias animis deiciantur, & ad iracundiam
prouocentur; sed talem videant Reipublicæ
faciem, in qua iucundum sit eis & Deo ser-
uire, & Catholico Hispaniarum Regi sub-
esse. Benignissimus autem Deus Tuam
Celsitudinem diu seruet incolumem, ad
vtilitatem nostræ Reipublicæ, & to-
tius Christianitatis. Louanij,

anno LXXIII, III

Kal. Iunij.

Vestra ampliss. & ill. me R. ue

obsequentissimus,

Ioannes Molanus Louaniensis.

CAN-